



CONCELLO DE VIGO
Secretaría de Goberno Local

D^a. PATRICIA RODRIGUEZ CALVO, CONCELEIRA-SECRETARIA DA XUNTA DE GOBERNO LOCAL DO CONCELLO DE VIGO

C E R T I F I C O: Que a Xunta de Goberno Local, na sesión ordinaria do **1 de agosto de 2025**, adoptou o seguinte acordo:

14.- SUBVENCIÓN NOMINATIVA Á ENTIDADE CONSERVATORIO SUPERIOR DE MÚSICA DE VIGO PARA O FINANCIAMENTO DO PROGRAMA “X FESTIVAL DA MÚSICA DAS ARTES NAS ONDAS 2025”. EXPTE. 6161/330.

Visto o informe xurídico do 19/06/2025 e o informe de fiscalización do 24/07/2025, sométese a aprobación o informe-proposta de data 17/06/2025, asinado polo xefe do Servizo de Xestión e Promoción Cultural e conformado polo concelleiro delegado de Cultura, a concelleira da Área de Goberno e polo concelleiro da Área de Goberno de Orzamentos e Facenda, que di o seguinte:

Con data 16 de xuño do 2025, o Conservatorio Superior de Música de Vigo presenta escrito de solicitude de subvención para a organización do " X Festival da Música e das Artes nas Ondas 2025"; por este motivo, por parte desta xefatura iniciase o expediente de concesión da subvención correspondente , polo importe de 4.000 € con cargo á aplicación orzamentaria 3340.480.00.12 do orzamento municipal vixente.

ANTECEDENTES.-

O Conservatorio Superior de Música de Vigo *é un centro educativo dependente da Consellería de Cultura, Educación e Ordenación Universitaria da Xunta de Galicia, creado na nosa cidade no ano 1956, que ademais realiza actividades de tipo cultural abertas a toda a cidadanía, entre elas o programa FESTIVAL DA MÚSICA E DAS ARTES “NAS ONDAS”, que serven como medio de promoción e dinamización da cultura da cidade e que celebra a quinta edición. O obxectivo fundamental do programa é a difusión das Artes Escénicas en xeral, con maior fincapé nas musicais e tamén quere dar a oportunidade ao desenvolvemente artístico e novos talentos, estudantes e persoas recén tituladas que poidan convivir nun espazo artístico con persoas de renome e traxectorias mais marcadas no ámbito da música.*

PROGRAMA E ORZAMENTO:

O programa do “ X FESTIVAL DA MÚSICA E DAS ARTES NAS ONDAS 2025” foi o seguinte:



Copia do documento - Concello de Vigo	Data impresión: 01/08/2025 19:29	Páxina 1 de 11
6161-330	CSV: AFA883-4CC321-2F5345-34GJL3-4NLRDL-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

	Febreiro			
1.	Martes 4 20h	"Continentes: América – Europa" Manuel Morales (fauta) e Raúl Rodríguez (piano)	EXPLURART	Auditorio Martin Códax
2.	Xoves 6 20h	"Amicus Certus" Marta Vélez Pérez (directora)	EXPLURART	Auditorio Martin Códax
3.	Venres 7 20h	"Beltenebros" Javier Martin (coreógrafo) Haruna Takebe (piano) e Masako Hattori (camarógrafa e performer)	X ANIVERSARIO NAS ONDAS	Auditorio Martin Códax
4.	Luns 10 20 h	Artificio Barroco - if music be the food of love Anna Lodone, Alejandro Parra, Alejandro Rodríguez, Adrián Esperón e Sara Cayetano	SEMANA DA MÚSICA ANTIGA	Auditorio Martin Códax
5.	Luns 10 (11 a 14h e 15-17)	Introducción á danza histórica e a súa aplicación práctica para músicos (Pavana e Gallarda) Docente: Diego Ruenes	SEMANA DA MÚSICA ANTIGA	Auditorio Martin Códax e Aula de Orquestra
6.	Martes 11 17:30 a 19 h	"Corpos Sonoros II" Improvisacións entre a Música Antiga e a Danza Contemporánea Alejandra Balboa (coordinación danza) e Pavel Amílcar (coordinación música)	SEMANA DA MÚSICA ANTIGA	Auditorio Martin Códax
7.	Martes 11 20 h	Le Parnasse François Las Preciosas (Viktorlia-Nadila Salo, Anna Lodone e Sofia Villanueva Aldeanueva)	SEMANA DA MÚSICA ANTIGA	Auditorio Martin Códax
8.	Mércores 12 12 a 14h	Conferencia e concerto de clave por Natalia Sikorska	SEMANA DA MÚSICA ANTIGA	Aula Polivalente
9.	Mércores 12 19:30h	Relatorio: Que é a Música Antiga? Impartido Diego Ruenes	SEMANA DA MÚSICA ANTIGA	Aula de Orquestra
10.	Xoves 13 20h	Alcyone (Marin Marais) Suite instrumentais Orquestra barroca do CSMVigo. Coa participación do alumnado do CSMVigo, do CMus de Ourense e do CMus Manuel Quiroga de Pontevedra	SEMANA DA MÚSICA ANTIGA	Auditorio Martin Códax
11.	Venres 14 20h	"Andere Fassung" Rafa Muñoz, arquilaúde	SEMANA DA MÚSICA ANTIGA	Biblioteca CSM de Vigo
12.	Martes 18 20 h	Semana Internacional Erasmus – Docentes Ucrania. CONCERTOS POLA PAZ Oleh Kopeliuk e Ihor Sediuk (Dúo piano) Nataliya Govorukhina (voz) e Iryna Sukhlenko (piano) Docentes da Kharkiv "I.P. Kotlyarevsky" National University Of Arts	SON ERASMUS	Auditorio Martin Códax
13.	Xoves 20 20 h	Semana Internacional Erasmus – Docentes Ucrania. CONCERTOS POLA PAZ Docentes da Ukrainian National Tchaikovsky Academy of Music – Kiev Natalia Sikorska (clave), Dmytro Tkachenko (violin), Kateryna Polianska (cello), Bohdan Rumiantsev (cello)	SON ERASMUS	Auditorio Martin Códax
14.	Martes 25 12h	"A Produción nas Industrias Culturais" con Cecilia Carballido, Tali García e Patricia Hermida	SEMANA DE PRODUCCIÓN E XESTIÓN	Aula de Orquestra
15.	Martes 25 17h	Relatorio con Javier Abreu	SEMANA DE PRODUCCIÓN E XESTIÓN	Aula Polivalente
16.	Martes 25 20h	Concierto: Dúo Metis	SEMANA DE PRODUCCIÓN E XESTIÓN	Auditorio Martin Códax
17.	Mércores 26 12h	Relatorio: A xestión das orquestras	SEMANA DE PRODUCCIÓN E XESTIÓN	Auditorio Martin Códax
18.	Mércores 26 16h	Taller na ESADg (ESADG)	SEMANA DE PRODUCCIÓN E XESTIÓN	Auditorio Martin Códax



Copia do documento - Concello de Vigo

Data impresión: 01/08/2025 19:29

Páxina 2 de 11

6161-330

CSV: AFA883-4CC321-2F5345-34GJL3-4NLRDL-FD

Pode validar e/ou obter copia electrónica do documento utilizando o código QR da esquerda ou o código de verificación na dirección <http://www.vigo.org/csv>



CONCELLO DE VIGO
Secretaría de Goberno Local

34.	Mércores 2 20 h	O piano na musica latinoamericana Erica Rodriguez, Sergio Rodriguez, David Buceta, Alba Feijoo, Cristina Redondo, Mirla Arribas	DE PIANO	Auditorio Martin Códax
35.	Xoves 3 20 h	Luces e sombras do pianismo: de Beethoven a Prokofiev Adrián Abalde Lameiro, Emma Rial Vázquez, Helena Fernández Gil, Rafael Rodríguez Senn e Manuel Muñiz Pintos	DE PIANO	Auditorio Martin Códax
36.	Venres 4 20 h	Rachmanolus contra o piano Jose Manuel Fernández (piano e narración)	DE PIANO	Auditorio Martin Códax
37.	Martes 8 20 h	Semana Internacional Erasmus	SON ERASMUS	Auditorio Martin Códax
38.	Xoves 10 20 h	Semana Internacional Erasmus	SON ERASMUS	Auditorio Martin Códax
39.	Martes 22 20 h	Sonatas & Spiritual Ballads Docentes de Academia de Música de Zagreb. Saša Nestorović, soprano (saxofón) e Sabrina Zelić (piano)	SAXORNADAS	Auditorio Martin Códax
40.	Mércores 23 20 h	Syderix, dúo de saxofóns Efrén Soto López (saxofón) e Liliana Ortega Arteaga (saxofón). Colabora: Magdalena Argibay Ligero (piano)	SAXORNADAS	Auditorio Martin Códax
41.	Xoves 24 20 h	Essenza Quartet	SAXORNADAS	Auditorio Martin Códax
42.	Venres 25 20h	O saxofón na musica de Latinoamerica Docente de Conservatorio de Trapani. Silvio Zalambani e Ensemble de Saxofóns do CSM de Vigo)	SAXORNADAS	Auditorio Martin Códax
43.	Mazo Luns 5 20h	Efémeras CANTOMETRICS. Marina Vigo (Gaita), Luis Bolón (Zanfona), Sandra Pérez (Percusión), Nébeda Piñeiro (Voz) e Fran Trashorras (Acordeón)	SEMANA DA MÚSICA TRADICIONAL	Auditorio Martin Códax
44.	Martes 6 19 h	Presentación do libro: Tocadoras do Val do Dubra. Por que non hei de cantare	SEMANA DA MÚSICA TRADICIONAL	Auditorio Martin Códax
45.	Martes 6 20 h	Latriqueiras da A.C.F. O Fiadeiro Tamara Costas (directora)	SEMANA DA MÚSICA TRADICIONAL	Auditorio Martin Códax
46.	Mércores 7 19 h	Presentación do traballo discográfico: Xoán Carlos Rilo "O Ronseil do meu sentir"	SEMANA DA MÚSICA TRADICIONAL	Auditorio Martin Códax
47.	Mércores 7 20 h	Concerto IMTP Alumnado e profesorado de IMTP	SEMANA DA MÚSICA TRADICIONAL	Auditorio Martin Códax
48.	Xoves 8 20 h	Concerto das letras galegas Alumnado do Departamento de Canto, Guitarra, IMPT, Composición e Producción e Xestión. Oswaldo Oro, Angela Placer, Ivan Abal e Jose Manuel Fernández	LETRAS GALEGAS	Auditorio Martin Códax
49.	Venres 9 20 h	Monográfico sobre Octavio Vázquez Roberto Noche (clarinete), Luis Caballero (violoncello), Severino Ortiz (piano), Fernando Raña (frauta) e Rasa Biveiniene (piano)	EXPLURART	Auditorio Martin Códax
50.	Mércores 14 20 h	Coro Conservatorio Superior de Música de Vigo Amalia Guerrero Rocha (directora)	ABRENTE	Auditorio Martin Códax
51.	Xoves 15 18 h Martes 1 20 h	Banda de Música do CSMVigo Juan Carlos Díaz (director) Okko Kivikataja (director convidado) Recital a catro mans. Duo Gallarte, Francesco Di Marco e Andrea Micucci.	ABRENTE	Auditorio Martin Códax
			DE PIANO	Auditorio Martin Códax



52.	Xoves 15 20 h	Orquestra Sinfónica do CSMVigo Juan Carlos Díaz (director) Okko Kivikataja (director convidado)	ABRENTE	Auditorio Martin Códax
53.	Venres 16 20 h	Orquestra Barroca do CSMVigo Sara Ruiz (director)	ABRENTE	Auditorio Martin Códax
54.	Venres 30 20 h	Concerto de premiados no XI Concurso de Música de Cámara do CSMVigo	ABRENTE	Auditorio de Praza do Rei
	Xuño			
55.	Xoves 5 20 h	Acto de Graduación e Clausura do Curso Académico 2024-25	ACTO GRADUACIÓN	Auditorio Martin Códax

A memoria económica que se achega a esta proposta, incorpora o orzamento xeral de gastos e ingresos do programa polo importe total de 4.552,91 € (catro mil cincoentos cincuenta e dous euros con noventa e un céntimos) financiándose coas seguintes achegas:

- Concello de Vigo: 4.000 euros
- Achega da entidade : 552,91 euros

DOCUMENTACIÓN.-

Por parte da asociación, presentouse a documentación relativa ao expediente de subvención, que está integrada pola seguinte:

- Solicitud e autorización á consulta dos datos tributarios
- Memoria e orzamento da actividade
- Certificado de estar ao corrente de pagos coa Axencia Tributaria
- Certificado de estar ao corrente de pagos coa Xunta de Galicia
- Certificado de estar ao corrente de pagos co Concello de Vigo
- Certificado de estar ao corrente de pagos coa Seguridade Social
- Certificación da conta bancaria
- Declaración de non estar incurso en prohibición para obter subvencións.
- Declaración doutras axudas.
- Seguro de responsabilidade civil.

LEXISLACIÓN APLICABLE.-

A concesión da subvención que outorgue o Concello de Vigo ao Conservatorio Superior de Música de Vigo, para a organización do " X Festival da Música e das Artes Vigo nas Ondas 2025", rexirase pola Lei 38/2003 do 17 de novembro, xeral de subvencións e o RD 887/2006, do 21 de xuño, polo que se aprobou o seu regulamento, nos seus preceptos básicos; R.D. Leg 2/2004, de 5 de marzo TRLRFL, Lei 7/1985, de 2 de abril RBRL e demais lexislación básica do estado en materia de réxime local; a Lei 9/2007, de 13 de xuño de subvencións de Galicia; os preceptos non básicos da Lei 38/2003 e do RD 887/2006; as bases de execución dos vixentes orzamentos municipais e as restantes normas de dereito administrativo, e no seu defecto, as normas de dereito privado.

O Plan Estratéxico de Subvencións para o período 2024-2026 aprobouse por acordo da Xunta de Goberno Local do 08.03.2024, rectificación de erros do 15.03.2024 e publicouse no Sistema Nacional de Publicidade de Subvencións e Axudas Públicas e no portal de transparencia do Concello de Vigo.



Copia do documento - Concello de Vigo	Data impresión: 01/08/2025 19:29	Páxina 4 de 11
6161-330	CSV: AFA883-4CC321-2F5345-34GJL3-4NLRDL-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



CONCELLO DE VIGO
Secretaría de Goberno Local

A concesión da subvención que outorgue o Concello de Vigo ao “Conservatorio Superior de Música de Vigo”, para a organización do “X Festival da Música e das Artes Vigo nas Ondas 2025”, se axusta as directrices, obxectivos estratéxicos e plans de acción sinalados no anexo do Plan estratéxico de Subvencións 2024-2026 do Concello de Vigo para a Área de Cultura, no que se refire ás subvencións nominativas para o financiamento de actividades socioculturais

Será responsabilidade da entidade a correspondente xestión e autorización dos dereitos de autor, ou de calquera outra obriga derivada do Real Decreto-lexislativo 1/1996 do 12 de abril, polo que se aproba o Texto Refundido da Lei de Propiedade Intelectual.

A concesión da subvención directa á entidade “Conservatorio Superior de Música de Vigo” deberá axustarse ao previsto no art. 22.2 apartados a) e c) da Lei 38/2003 xeral de subvencións, tanto por estar prevista nominativamente no orzamento do Concello de Vigo do 2025, como polo interese público, social e cultural que supón a actividade para a cidade de Vigo; acreditado na concordancia do programa singular a executar, os fins estatutarios da entidade, a súa complementariedade coa actividade cultural organizada polo Concello e marcada diferenza coa oferta doutras entidades, polo cal non procede promover a concorrència para o seu outorgamento.

ÓRGANO DE RESOLUCIÓN E ÁMBITO DE COMPETENCIAS.-

O órgano de goberno para a concesión desta subvención directa é a Xunta de Goberno Local.

O obxecto do expediente corresponde as materias de competencia propia do Concello segundo os artigos 25.2. m da Lei 7/1985, do 2 de abril, promoción da cultura e equipamentos culturais e o 80.2. n) (actividades culturais) da Lei 5/1997, de administración local de Galicia.

FINANCIAMENTO DA SUBVENCIÓN.-

A subvención do Concello de Vigo á entidade “Conservatorio Superior de Música de Vigo” ten como obxecto financiar a organización do “**X FESTIVAL DA MÚSICA E DAS ARTES NAS ONDAS 2025**” figurando na aplicación **3340.480.00.12** do orzamento municipal vixente a concesión dunha subvención nominativa por importe de 4.000 €, a favor da entidade.

A subvención do Concello de Vigo á entidade “Conservatorio Superior de Música de Vigo” é compatible con outras subvencións, axudas, ingresos ou recursos para a mesma finalidade procedentes de calquera outras administracións ou entes públicos ou privados.

CONDICIÓNS DE CONCESIÓN DA SUBVENCIÓN

A resolución de concesión da subvención deberá establecer as condicións e compromisos aplicables (segundo se establece tanto na Lei Xeral de Subvencións como na Lei de subvencións de Galicia), que se detallan na proposta.

Coa conformidade do concelleiro-delegado da Área de Cultura e mailo concelleiro-delegado da Área de Orzamentos e Facenda, tralos informes xurídico e da Intervención Xeral do Concello de Vigo, faise a seguinte

PROPOSTA Á XUNTA DE GOBERNO LOCAL.-

“PRIMEIRO.- Aprobar a concesión directa da subvención de 4.000 euros (catro mil euros) ao Conservatorio Superior de Música de Vigo, CIF. Q-8650014G, para o financiamento do X Festival da Música e das Artes Nas Ondas 2025, organizado por esta entidade; e autorizar e dispoñer o



Copia do documento - Concello de Vigo	Data impresión: 01/08/2025 19:29	Páxina 5 de 11
6161-330	CSV: AFA883-4CC321-2F5345-34GJL3-4NLRDL-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

devandito gasto con cargo á aplicación orzamentaria 3340.480.00.12 "SUBVENCIÓN CONSERVATORIO SUPERIOR DE MÚSICA. FESTIVAL NAS ONDAS", que figura no orzamento municipal vixente do Concello de Vigo.

SEGUNDO.- *As condicións que rexirán a subvención serán as seguintes:*

OBRIGAS DA ENTIDADE

1.E de responsabilidade da Entidade :

- A organización das actividades a través dun equipo de profesionais dirixidos e/ou supervisados pola ENTIDADE,
- A organización integral do programa, a súa ampla difusión e a dispoñibilidade dos espazos, e solicitude, de ser o caso, dos permisos correspondentes para a utilización dos mesmos, solicitude de ocupación de vía pública, cargas e descargas, instalación de elementos, etc.
- Cumprimento do programa obxecto da subvención e o abono dos gastos relativos á organización da actividade, tanto directos como indirectos (contratacións, produción, dereitos de autor derivados da programación, material de difusión, aluguer e uso de espazos de ser o caso, e demais infraestruturas necesarias para o desenvolvemento efectivo da actividade).

2.Actuará como interlocutor único ante a CONCELLERÍA D. Esteban Valverde Corrales, director do CSM Vigo.

3.Cumprir coas obrigas fiscais, así como das disposicións vixentes en materia laboral, de Seguridade Social e de saúde e hixiene no traballo.

4.Ter incorporado os anagramas-logotipos do Concello de Vigo nos elementos de difusión da actividade subvencionada

5.Comunicar á CONCELLERÍA as modificacións das circunstancias que fundamentasen a concesión da subvención (art.11.d da Lei 9/2007 de subvencións de Galicia), en particular os cambios ou cancelacións de elementos do proxecto de actividades, obtención doutras subvencións, axudas ou recursos que modifiquen o financiamento, no momento en que teña constancia da súa dispoñibilidade ou efectividade, e en todo caso, con anterioridade á xustificación da aplicación dada aos fondos percibidos; co obxecto de determinar a oportunidade da autorización da modificación ou substitución por outros programas, ou ben proceder á redución do importe da subvención concedida ou reintegro.

A alteración das condicións tidas en conta para a concesión da subvención poderá dar lugar á modificación da resolución de concesión (art.17.3 da citada Lei).

6.A concesión da subvención á ENTIDADE implica a súa aceptación das obrigas sinaladas na resolución de concesión e nas normativas citadas sobre subvencións; particularmente sobre as obrigas sinaladas nos artigos 11 e 12, xustificacións, reintegros e subcontratación previstos na Lei 9/2007 do 13 de xuño de subvencións de Galicia.

7.Someterse ás actuacións de comprobación, seguimento, control financeiro e inspección que o Concello de Vigo considere necesario, ás previstas na lexislación do Tribunal de Contas e do



Copia do documento - Concello de Vigo	Data impresión: 01/08/2025 19:29	Páxina 6 de 11
6161-330	CSV: AFA883-4CC321-2F5345-34GJL3-4NLRDL-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



CONCELLO DE VIGO
Secretaría de Goberno Local

Consello de Contas ou ás doutros órganos da Administración estatal ou da Unión Europea, aos cales se facilitará tanta información lles sexa requirida para este efecto, todo isto de conformidade co disposto na Lei 9/2007, de subvencións de Galicia, e demais normativa regulamentaria de desenvolvemento, así como conservar os documentos xustificativos da aplicación dos fondos recibidos, incluídos os documentos electrónicos, en canto poidan ser obxecto das actuacións de comprobación e control. Colaborar co persoal que, no seu caso, desenvolva a/as auditoría/s xestionadas polo Concello de Vigo, prestando a debida colaboración, atendendo aos seus requirimentos e achegando, de selo caso, a documentación complementaria solicitada".

- 8.As entidades con personalidade xurídica que non teñan a obriga de levar a contabilidade deberán dispor dun control de ingresos e gastos que sexan imputados á actividade subvencionable.
- 9.A concesión da subvención á ENTIDADE implica a súa aceptación das obrigas sinaladas na resolución de concesión e nas ditas normativas sobre subvencións; particularmente sobre as obrigas sinaladas nos artigos 11 e 12, xustificacións, reintegros e subcontratación previstos na Lei 9/2007 do 13 de xuño de subvencións de Galicia.
- 10.Responsabilizarse fronte a calquera dano que se cause a terceiros con ocasión do desenvolvemento do programa e a ditos efectos ter contratado e dispoñer dunha póliza de seguro de responsabilidade civil que atenda calquera accidente ou incidencia que se puido producir en relación ao desenvolvemento do evento. Neste sentido, A ENTIDADE presenta copia do seguro de responsabilidade civil.

OBRIGAS DO CONCELLO. MECANISMOS DE ASISTENCIA TÉCNICA

A tramitación da subvención e xestión do pagamento do importe da subvención (4.000 €), tras o cumprimento dos requisitos de xustificación e conformidades necesarias.

MECANISMOS DE SEGUIMENTO DA SUBVENCIÓN. UNIDADE XESTORA

O centro xestor da subvención á ENTIDADE é a Área de Cultura do Concello de Vigo, a través do Xefe do servizo de Xestión e Promoción Cultural, a quen comunicará calquera incidencia do proxecto subvencionado.

O centro xestor ten a encomenda de comprobación da realización das actividades do proxecto subvencionado e de informar sobre a adecuada xustificación da subvención poñendo de manifesto, expresamente, o cumprimento total do obxecto da subvención ou aquelas circunstancias que imposibiliten a aprobación da xustificación, xunto coa conformidade dos documentos xustificativos presentados.

PAGAMENTO DA SUBVENCIÓN

O CONCELLO xestionará o pagamento á ENTIDADE polo importe da subvención outorgada ou resultante, trala entrega do informe final coa rendición da conta xustificativa; previa aprobación da achega pola Xunta de Goberno Local, emisión dos informes técnicos, e co conforme do concelleiro-delegado da Área de Cultura.

A xustificación deberá facerse coa presentación na sede electrónica das facturas correspondentes ao gasto do proxecto ou actividade ademais deberá achegar un balance que abrangue a



Copia do documento - Concello de Vigo	Data impresión: 01/08/2025 19:29	Páxina 7 de 11
6161-330	CSV: AFA883-4CC321-2F5345-34GJL3-4NLRDL-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

totalidade do gasto ou unha certificación na que se acredite que o programa ou actividade que obxecto da subvención executouse na súa totalidade e o seu custo final foi de XX.XXX euros.

En cumprimento da obriga imposta polo artigo 14.2.a) da Lei 39/2015, do 1 de outubro, de Procedemento Administrativo Común das Administracións Públicas (LPAC), A ENTIDADE está obrigada a relacionarse electrónicamente coas Administracións Públicas. Xa que logo, para proceder á xustificación do cumprimento da finalidade para a que se concede a subvención e, no seu caso, da aplicación dos fondos recibidos, deberá achegar a conta xustificativa a través da sede electrónica do Concello de Vigo, por calquera dos mecanismos de identificación admitidos na mesma, que se poden consultar no enlace <https://sede.vigo.org/expedientes/usuarios/login.jsp?lang=ga>.

A tenor do disposto no art. 81 do Regulamento da Lei Xeral de Subvencións establécese o emprego de medios electrónicos, informáticos e telemáticos para o procedemento de xustificación das subvencións, con indicación dos trámites que deberán ser cumprimentados por vía electrónica, informática ou telemática e os medios electrónicos e sistemas de comunicación utilizables, que deberán axustarse ás especificacións que se establezan por Orde do Ministerio de Economía e Facenda (Orde EHA/2261/2007, do 17 de xullo, pola que se regula o emprego de medios electrónicos, informáticos e telemáticos na xustificación de subvencións). A tal efecto, a entidade beneficiaria achegará a documentación xustificativa por medios electrónicos, informáticos e telemáticos (EIT), resultando esixible a aportación de facturas electrónicas e/ou copias dixitalizadas compulsadas das facturas orixinais en papel.

Documentación a incluír na conta xustificativa:

- Solicitud de pagamento da subvención, tendo como límite o 11 de novembro de 2025.
- Acreditar atoparse ao corrente das súas obrigas tributarias coa Axencia Tributaria, Consellería de Facenda da Xunta de Galicia, Tesourería Xeral da Seguridade Social e Concello de Vigo.
- Memoria de execución e avaliación da actividade realizada, que xustificará o cumprimento das condicións impostas e a consecución dos obxectivos, que deberá incluír como mínimo:
 - Programa con información sobre organización, patrocinio, colaboradores, venda de entradas, etc.
 - Datos sobre os participantes nas actividades, número e perfil dos asistentes.
 - Memoria de prensa.
 - Relación de material gráfico e de difusión contendo os logotipos do Concello de Vigo.
 - Reportaxe fotográfica.
- Memoria económica contendo o balance detallado coa totalidade dos gastos e ingresos da actividade, con indicación dos acredores, conceptos facturados, datas de emisión e importe; acreditados con documentos orixinais pola parte subvencionada.
- Cando as actividades fosen financiadas, ademais de coa subvención, con fondos propios ou outras subvencións ou recursos, deberá acreditarse na xustificación o importe, a procedencia, data de ingreso e a aplicación de tales fondos ás actividades subvencionadas.
- As facturas ordenadas segundo o concepto de gasto a que se atribúen e nas que figure a ENTIDADE como entidade destinataria, deberán recoller o seu número e data, CIF, denominación e domicilio social do emisor, conceptos, importes, IVE, etc. Estes xustificantes quedarán a disposición do Concello de Vigo. Non se



Copia do documento - Concello de Vigo	Data impresión: 01/08/2025 19:29	Páxina 8 de 11
6161-330	CSV: AFA883-4CC321-2F5345-34GJL3-4NLRDL-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



CONCELLO DE VIGO
Secretaría de Goberno Local

admitirán facturas fotocopiadas ou compulsadas nin aquelas que non reúnan as condicións previstas no RD. 1619/2012, de 30 de novembro, polo que se regula o deber de expedir e entregar facturas que incumbe a empresarios e profesionais.

- Nestas facturas computarase o gasto acreditado, deducindo o IVE, agás que xustifique que está exenta de IVE.
- Nas facturas ou nos documentos xustificativos dos gastos non deberá constar de forma expresa que o gasto foi pagado pola entidade beneficiaria con anterioridade á finalización do prazo de xustificación; entendéndose baixo a responsabilidade do beneficiario que o concepto facturado está realizado e conta coa súa conformidade por tratarse a perceptora da subvención dunha entidade sen fin lucrativo e en consideración a que o importe da subvención constitúe unha das formas de financiamento para levar a cabo as actuacións inherentes á subvención e ademais non se contempla a realización de pagos a conta ou anticipados.

Gastos subvencionables:

Considerarase como gasto subvencionable os realizados no ano 2025 que teña como data límite dous meses á última das actividades subvencionadas. **Estos gastos deberán xustificarse coa correspondente factura con anterioridade a finalización do período de xustificación, por tratarse a perceptora da subvención dunha entidade sen fin lucrativo e en consideración a que o importe da subvención constitúe unha das formas de financiamento para levar a cabo as actuacións inherentes á subvención e ademais non se contempla a realización de pagos a conta ou anticipados.**

De conformidade co disposto no artigo 31.3 da Lei 38/2003 do 17 de novembro Xeral de Subvencións, **cando o importe do gasto subvencionable supere as contías establecidas para o contrato menor (máis de 15.000 euros nos contratos de prestación do servizo) o beneficiario solicitará como mínimo tres ofertas de diferentes provedores**, con carácter previo á prestación do servizo salvo que polas súas especiais características non exista no mercado suficiente número de entidades que as realicen, presten ou subministren ou que o gasto realizárase con anterioridade á subvención. **A elección entre as ofertas presentadas deberá achegarse na xustificación** ou no seu caso na solicitude de subvención que se realizará consonte aos criterios de eficiencia e economía **debendo xustificarse expresamente na memoria a elección cando non recaída na proposta económica máis favorable.**

Consideraranse gastos subvencionables, aqueles que respondan directa e indubidablemente á natureza da actividade subvencionada, resulten estritamente necesarios e se realicen dentro do prazo establecido para a execución do proxecto, quedando excluídos os custos indirectos imputables á actividade, os custos de funcionamento ordinario da entidade, os de atencións protocolarias e representativas, e os gastos en inversións e adquisicións de material, equipos e bens de natureza inventariable.

En ningún caso o custo de adquisición dos gastos subvencionables poderá ser superior ao valor de mercado.

Non se contempla a posibilidade de subcontratación dos gastos derivados da execución do programa subvencionado.

Importe total de subvencións ou axudas:



Copia do documento - Concello de Vigo	Data impresión: 01/08/2025 19:29	Páxina 9 de 11
6161-330	CSV: AFA883-4CC321-2F5345-34GJL3-4NLRDL-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

A subvención do Concello á ENTIDADE é compatible con outras subvencións, axudas, ingresos ou recursos para a mesma finalidade procedentes de calquera outra administración ou de entes públicos ou privados, nacionais, da Unión Europea ou de organismos internacionais.

O importe das subvencións ou axudas percibidas pola ENTIDADE para a actividade subvencionada en ningún caso poderá ser de tal contía que, illadamente ou en concorrencia con outras subvencións, axudas, ingresos ou recursos, supere o custo da actividade ou obxecto subvencionados (art.17.3 da Lei 9/2007 de subvencións de Galicia).

XUSTIFICACIÓN DA SUBVENCIÓN

A axeitada xustificación da subvención, a realización da actividade subvencionada e o cumprimento da finalidade que determinou a súa concesión será comprobada pola Área de Cultura. Os técnicos da Área de Cultura emitirán informe ao respecto facendo constar, no seu caso, todas aquelas circunstancias que poidan resultar relevantes en orde a considerar incumplida ou defectuosamente cumprida a actividade subvencionada.

INFORMACIÓN E PUBLICIDADE

A beneficiaria deberá facilitar toda a información que lle sexa requirida pola CONCELEIRÍA e pola Intervención Xeral Municipal, Tribunal de Contas e Consello de Contas, no exercicio das súas funcións de fiscalización e control do destino das subvencións.

O CONCELLO publicará a concesión da subvención no portal de transparencia do Concello e comunicarllo á Base de Datos Nacional de Subvencións para os efectos de dar cumprimento ao disposto nos artigos 18 da LXS e 8.1.c) da Lei 19/2013 de Transparencia, Acceso á Información Pública e Bo Goberno.

REINTEGRO

Procederá ao reintegro das cantidades percibidas e a esixencia de xuros de demora desde o pagamento da subvención até a data na que se acorde a procedencia do reintegro nos casos do artigo 33 LSG.

INFRACCIÓN E SANCIÓN

En canto ás infraccións e sancións en que poida incurrir a beneficiaria da subvención e o procedemento para a súa apreciación e imposición, estarase ao disposto no título IV da Lei 9/2007, de 13 de xuño, de subvencións de Galicia, e na Lei 39/2015, do 1 de outubro, do procedemento administrativo común das administracións públicas.

De conformidade co artigo 32.2 do Regulamento da Lei Xeral de Subvencións a achega municipal configúrase como un importe certo, entendendo que queda por conta do beneficiario a diferenza de financiamento necesario para a total execución da actividade subvencionada, debendo ser reintegrado en tal caso

PROTECCIÓN DE DATOS DE CARÁCTER PERSOAL

A beneficiaria está informada de que os seus datos e os do seu representante serán incorporados aos ficheiros municipais; de que a finalidade da súa recollida é a instrución do procedemento para a concesión da subvención, a práctica das publicacións, comunicacións e notificacións de obrigado cumprimento, o seguimento e comprobación da actividade subvencionada e demais actuacións previstas na Lei de subvencións de Galicia, en orde á conclusión do proceso de subvención, polo que a súa achega é obrigatoria.



Copia do documento - Concello de Vigo	Data impresión: 01/08/2025 19:29	Páxina 10 de 11
6161-330	CSV: AFA883-4CC321-2F5345-34GJL3-4NLRDL-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



CONCELLO DE VIGO
Secretaría de Goberno Local

Os ditos datos serán tratados e protexidos de acordo co previsto na Lei 39/2015, do 1 de outubro, do procedemento administrativo común das administracións públicas e na Lei Orgánica 3/2018, do 13 de decembro, de Protección de Datos Personais e garantía dos dereitos dixitais, sendo responsable do seu tratamento a Concellería de Cultura.

A beneficiaria poderá exercer os dereitos de acceso, rectificación, cancelación e oposición ante a Concellería de Cultura do Concello de Vigo.

LEXISLACIÓN APLICABLE

A concesión da subvención rexeráse pola Lei 38/2003 do 17 de novembro, xeral de subvencións e o RD 887/2006, do 21 de xuño, polo que se aprobou o seu regulamento, nos seus preceptos básicos; R.D.L. 2/2004, de 5 de marzo TRLRFL, Lei 7/1985, de 2 de abril RBRL e demais lexislación básica do estado en materia de réxime local; a Lei 9/2007, de 13 de xuño de subvencións de Galicia; os preceptos non básicos da Lei 38/2003 e do RD 887/2006; as bases de execución dos vixentes orzamentos municipais e as restantes normas de dereito administrativo, e no seu defecto, as normas de dereito privado.

Será responsabilidade da entidade a correspondente xestión e autorización dos dereitos de autor, ou de calquera outra obriga derivada do Real decreto-lexislativo 1/1996 do 12 de abril, polo que se aproba o Texto refundido da lei de propiedade intelectual.

ACORDO

A Xunta de Goberno local aproba a proposta contida no precedente informe.

E para que así conste e produza os seus efectos, emito a presente certificación coa salvedade do artigo 206 do Regulamento de organización, funcionamento e réxime xurídico das entidades locais, de orde do Excmo. Alcalde, en Vigo na data da sinatura dixital.

SGF/me.

V. e Pr.
O ALCALDE
Abel Caballero Álvarez.



Copia do documento - Concello de Vigo	Data impresión: 01/08/2025 19:29	Páxina 11 de 11
6161-330	CSV: AFA883-4CC321-2F5345-34GJL3-4NLRDL-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		